

1 гл. Ка́мени запеча́тану от Иуде́й, / и вои́ном стрегу́щим пречи́стое те́ло твоё, / воскре́сл еси́, тридне́вный Спа́се, / да́руй ми́рови жизнь. / Сего́ ра́ди си́лы небе́сныя вопи́яху Ти, жи́знода́вче: / Сла́ва воскресе́нию Твоему́, Христе́. / сла́ва ца́рствию твоему́, // сла́ва смотре́нию твоему́, еди́не человеколю́бче.

2 гл. Егда́ снизше́л еси́ к сме́рти, живо́те безсме́ртный, / тогда́ ад умертви́л еси́ блиста́нием боже́ства, / егда́ же и умёршья / от преиспо́дних воскре́сил еси́, / вся си́лы небе́сныя зыва́ху: // Жи́знода́вче Христе́ Бо́же, наш, сла́ва Тебе́.

3 гл. Да веселя́тся небе́сная, / да ра́дуются земна́я, / я́ко сотвори́ держа́ву / мышцею́ свое́ю Госпо́дь, / попрá сме́ртию сме́рть, / пёрвенец ме́ртвых бысть: / из чре́ва а́дова изба́ви нас, // и подаде́ ми́рови ве́лику ми́лость.

4 гл. Светлу́ю воскресе́ния про́поведь, / от а́нгела уве́деша Госпо́дни учени́цы, / и пра́дечное осужде́ние отвёргше, / апо́столом хваля́щися глаго́лаху: / Испрове́ржеша сме́рть, / воскре́се Христос́ Бог // да́руй ми́рови ве́лику ми́лость.

5 гл. Собезнача́льное Сло́во Отцу́ и Ду́хови, / от Де́вы ро́ждшееся на спасе́ние на́ше, / воспо́йм, ве́рнии, и поклони́мся, / я́ко благово́ли пло́тию взы́ти на крест, / и сме́рть претерпе́ти, / и воскре́сити умёршья // сла́вным воскре́се́нием свои́м.

6 гл. А́нгельския си́лы на гробе́ твоём, / и стрегу́щии омертвёша, / и сто́яше Ма́рия во гробе́ / и́щущи пречи́стаго те́ла твоего́. / Плени́л еси́ ад, не иску́сився от него́, / сре́тил еси́ Де́ву да́руй живо́т, / воскре́сий из ме́ртвых, // Госпо́ди, сла́ва Тебе́.

7 гл. Разруши́л еси́ кресто́м твои́м сме́рть, / отвёрзл еси́ разбо́йнику рай, / мирно́сцам плачь преложи́л еси́, / и апо́столом пропове́дати повеле́л еси́, / я́ко воскре́сл еси́, Христе́ Бо́же, // да́руй ми́рови ве́лику ми́лость.

8 гл. С высо́ты снизше́л еси́, благоутро́бне, / погребе́ние при́ял еси́ тридне́вное, / да нас свобо́диши страсте́й, // живо́те и воскресе́нии на́ше, Госпо́ди, сла́ва Тебе́.

1 Преп. АНТОНИЮ ВЕЛИКОМУ, гл.4: Ревни́теля Или́ю иржавы́ подража́я, / Крестите́лю пра́выми сте́зями последу́я, / Отче Анто́ние, пусты́ни был еси́ жи́тель, / и вселе́нную утверди́л еси́ моли́твами твои́ми, // Темже моли́ Христа́ Бога́ спасти́ся душа́м на́шим.

2 Св. Апост. ПЕТРУ И ПАВЛУ, гл.4: Апо́столов первопресто́льницы, / и вселе́нная учите́лие, / Влады́ку всех моли́те / мир вселе́нной дарова́ти, // и душа́м на́шим ве́лику ми́лость.

3 Свя́тителем КИРИЛЛУ И МЕФОДИЮ, гл.4: Я́ко апо́столом еди́нона́внии, / и словéнских стран учите́лие, / Кири́лле и Мефо́дие многому́дри, / Влады́ку всех моли́те, / вся я́зыки словéнския утверди́ти в правосла́вии и еди́номы́слии, / умири́ти мир, // и спасти́ ду́шы на́ша.

4 Преп. М.Н. ТЕРЕЗИИ, гл.8: От те́рния сýеты предохране́нная, / крин в Карми́ле процвела́ еси́, преподо́бная Терези́е, / Богомладе́нцу жити́ем последу́ющи, / я́ко же́ртва ми́лостивныя́ любве́ Бо́жия о вселе́нной моли́лася еси́, / и сте́зь в го́рняя показа́ла еси́, / еже бы́ти во Христе́ младе́нцем. // Темже и во а́нгелии ера́дуется ны́не ду́х твой.

5 ПОКРОВУ ПРЕСВ. БОГОРОДИЦЫ, гл.4: Днесь благове́рнии лю́дие све́тло пра́зднуем, / осеня́еми твои́м, Богома́ти, прише́ствием, / и к твоему́ взыра́юще пречи́стому образу, уми́льно глаго́лем: / покрый́ нас честны́м твои́м покрово́м, / и изба́ви нас от вся́каго зла, / моля́щи Сы́на твоего́ Христа́ Бо́га на́шего, // спасти́ ду́шы на́ша.

К о н д а к, гл.3: (Покрову) Де́ва днесь предсто́ит в Це́ркви, / и с ли́ки святы́х невиди́мо за ны́ моли́тся Бо́гу: / а́нгели со архиере́к покла́няются / апо́столи же со проро́ки ликоству́ют: // нас бо ра́ди моли́т Богоро́дица преве́чнаго́ Бо́га.

6) Преп. СЕРГИЙ РАДОНЕЖСКОМУ, гл.4: Иже добродетелей подвижник, / яко истинный воин Христа Бога, / на страсти вельми подвизался еси в жизни временней, / в пениих, бдениих же и пощениих образ быв твоим учеником: / темже и вселися в тя пресвятый Дух, / егоже действием светло украшен еси: / но яко имея дерзновение ко святей Троице, / поминай стадо, еже собрал еси, мудре: / и не забуди, якоже обещался еси, / посещая чад твоих, // Сергие, преподобне отче наш.

7) БОГОРОДИЦЕ, гл.4: К Богородице прилежно ныне притецем, грешнии и смиреннии, / и припадем в покаянии, зовуше из глубины души: / Владычице, помози на ны милосердовавши: / потшися, погибаем от множества прегрешений, // не отврати твоя рабы тщи: Ты бо и едину надежду имамы.

8) КРЕСТИТЕЛЮ, гл.2: Память праведнаго с похвалами, / тебе же довлеет свидетельство Господне, предтече, / показал бо ся еси воистинну и пророков честнейший, / яко и в струях крестити сподобился еси проповеданнаго. / Темже за истину пострадав радуясь, / благоевестий еси и судим во аде Бога явльшагося плетью, / вземлюшаго грех мира, // и полабшаго нам велию милость.

9) АНГЕЛОМ, гл.4: Небесных воинств архистратизи, / молим вас присно мы недостоинни, / да вашими молитвами / оградите нас кровом крил невестственныхных ваша славы, / сохраняюще ны припадающия прилежно и вопиющия: / от бед избавите ны, // яко чинсначальницы вышних сил.

10) ПРОРОКОМ, гл.2: Пророка твоего, (имя рек), / память Господи, праздноуше, // тем тя молим: спаси души наша.

11) АПОСТОЛУ ЕДИНОМУ, гл.3: Апостоле святей (имя рек), / моли милостиваго Бога, // да прегрешений оставление подаст душам нашим.

12) АПОСТОЛОМ ДВУМ, гл.3: Апостоли святей, / молите милостиваго Бога, // да прегрешений оставление подаст душам нашим.

13) СВЯТИТЕЛЮ, гл.4: Правило веры и образ кротости, / воздержания учителя, / яви тя стаду твоему, / яже вещей истина, / сего ради стяжал еси смирением высокоя, / нището богатая, / Отче священноначальниче (имя рек), / моли Христа Бога, // спастися душам нашим. (Гл.4.)

14) СВЯТИТЕЛЯМ, ПРЕПОДОВНЫМ И СВЯШ.МУЧ.КАМ Боже отец наших, / творяй присно с нами по твоей кротости, / не остави милость твою от нас: / но молитвами их // в мире управи живот наш.

15) МУЧЕНИКУ, гл.4: Мученик Твой, Господи, (имя рек), / во страдании своем венец прият нетленный от тебе Бога нашего: / имей бо крепость твою, / мучителей низложи, / сокруши и демонов немощныя дерзости. / Того молитвами // спаси души наша.

16) МУЧЕНИКОМ, гл.4: Мученицы твой, Господи, / во страданиях своих венцы прияша нетленные от Тебе Бога нашего: / имуще бо крепость Твою, / мучителей низложиша, / сокрушиша и демонов немощныя дерзости: / тех молитвами // спаси души наша.

17) СВЯЩЕННОМУЧЕНИКУ, гл.4: И нравом причастник, / и престолом наместник апостолом быв, / деяние обрел еси, богодухновенне, / в видения восход: / сего ради слово истины исправляя, / и веры ради пострадал еси даже до крове, / священномучениче (имя рек), / моли Христа Бога // спастися душам нашим.

18) ПРЕПОДОБНОМУЧЕНИКУ, гл.8: В тебе отче известно спасеся, еже по образу, / приим бо крест последовал еси Христу, / и дея учил еси презирати убо плоть, приходит бо, / прилежати же о души вещи безсмертней. // Темже и со ангели срадуется, преподобне (имя рек) дух твой.

19) ПРЕПОДОБНОМУЧЕНИКАМ, смотри → 14 "Боже отец наших..."

20) ПРЕПОДОВНЫМ И ХРИСТА РАДИ КРОДИВЫМ, гл.8: "В тебе, отче..." смотри → 18